

nisi si quis eam dixit ex omnibus elementis constare, aut ipsa esse omnia. Definiunt autem omnes animum tribus rebus, motu, sensu, & vacuitate corporis, quorum quodque ad principia redigunt. Itaque ij qui eum cognitione definiunt, aut elementum eum faciunt, aut ex elementis, in eoque inter se præter unum consentiunt. Aiunt enim rem similem à simili cognosci. Quoniam enim animus omnia scientia comprehendit, ex omnibus eum elementis constare faciunt. Ac ij quidem qui unam quandam causam esse dicunt, unumque elementum, animum etiam unum esse ponunt, ut ignem, aut aëra. Qui autem plura principia ponunt, animum etiam plura esse confirmant. Anaxagoras verò unus, perpeñionis expertem mētem esse tradit, nullumque habere cum cæteris commercium. Quæ cum sit eiusmodi, tamen quemadmodum notationes rerum percipiat, quaque causa, nec ille tradidit, nec ex iis quæ dicta sunt, perspicui potest. Qui autem repugnantiam in principis statuunt, ij ex contrariis etiam animum constare volunt. Qui verò alterum cōtrariorū, ut calorem, vel frigus, aut aliquid aliud eiusdem generis, animū etiam, eodem modo aliquid horum esse ponunt. Itaque nomina consecrantur, aliique τὸ θερμὸν, id est, calorem esse dicunt, propterea quæ ex eo etiam, τὸ ζῆν, id est, vita, quasi à ζέειν, quod est feruere appellata sit, alij τὸ ψυχρὸν, id est, frigus, quod ex respiratione & refrigeratione ψυχὰ sit vocata. Atq; hæc quidē sunt, quæ à prioribus de animo tradita accepimus, quibusque

Cap. 3. causis ducti illi ita hæc tradiderūt, diximus. Nunc videndum est primum de motu. profectò enim non solum falsum est eius naturam, & essentiam eiusmodi esse, quam aiunt ij qui animum statuunt id esse, quod seipsum mouet, aut mouere potest, sed aliquid etiam est eorum, quæ fieri non possunt, confiteri ei motum inesse & conuenire. Atque illud quidem antè diximus, non necesse esse id quod moueat, ipsum etiam motu cieri. Duobus autem modis omnia mouentur, aut alieno & externo impulsu, aut proprio ac suo. Alieno autem motu cieri aliquid dicimus, quod eo ipso mouetur, quia in eo sit quod ipsum mouetur, ut nautæ, non enim eodem modo, quo nauigiū, mouentur: quādoquidem hoc per se mouetur, illi quod sint in eo quod mouetur: id quod in partibus perspicui licet: propria est enim motio pedum ingressus, quæ etiā hominum est, quæ tum eadem nautarum